

Espediente moetea: Administrazino kontratazinoa

Kontratua: Gazte ekimenak sustatzeko zerbitzua emoteko kontratua, prozedura negoziatua publizidadeagaz.

Espediente zenbakia: KU 8 - 3

GAZTE EKIMENAK SUSTATZEKO ZERBITZUA EMOTEKO KONTRATUAREN

ADMINISTRAZINO-BALDINTZA ZEHATZEN ORRIAK

PROZEDURA NEGOZIATU BIDEZKO ESLEIPENA

I.- KONTRATUAREN EDUKINA

1. KONTRATUAREN XEDEA

Kontratuaren gaia hauxe da: GAZTE EKIMENAK SUSTATZEKO ZERBITZUA EMOTEKO KONTRATUA.

Kontratuaren oinarria baldintza agiri hau izango da eta, espedientean azaltzen dan dokumentazio teknikoagaz bat etorritz egingo da. Baldintza agiri honek kontratu balioa dauka.

2. EPEA

Zerbitzu emoteko epea hauxe da: urte bete, 2009ko urtarrilaren 2tik kontatzen hasita.

Dana dala, esleipen emoilea eta esleipenduna bat etorritz, kontratua beste urte bat luzatu ahal izango da, beti ere jatorrizko kontratuaren epea amaitu baino arinago.

Zerbitzua epe horretan emoten ez bada, esleipendunak berandutzeagatik erantzunkizunei aurre egin beharko deutse, nahiz eta Administrazioak aurretik ez ohartarazi.

3. KONTRATUAREN PREZIOA

Kontratuaren prezioa gehienez 33.500 €koa da, BEZ kanpo. BEZari jagokon zenbatekoa 5.360 €koa da.



Eskaintzaileek diru kopuru hori hobetu daikie, baina beti be, kontuan hartuko da eskaintzaileek hobetutako prezio horretan Balio Erantsiaren gaineko zerga (BEZ) kanpo dagoala: nolana ere, eskaintzaileak, adierazi beharko dau zein dan prezioa eta zein dan BEZari jagokon diru zenbatekoa.

4. FINANTZIAZINOA

Kontratuaren prezioa ordaintzeko behar beste diru aurreikusiko da datorren ekitaldiko aurrekontuaren kontura.

5. NOLA ORDAINDU

Administrazioari faktura aurkeztu eta berak onartu ondoren ordainduko da kontratuaren prezioa. Ordainketa holan egingo da:

- Kontratuaren prezioa ordaintzeko, HILERO jagokon faktura aurkeztu eta agiri horregaz bat etorri beharko da.

Hitzartutako prezioetan ordaindua izateko eskubidea dauka esleipendunak.

6. PREZIOAK BERRAZTERTZEA

Kontratua luzatu ezker aurreko urteko aurrekontuari EAE-ko KPlaren %85a gehituko jako.

7. BERMEAK

Esleipendunari esleipena jakinarazten jakonetik, 15 eguneko epean, esleipendunak behin betiko bermea sartu beharko dau Udaleko Diruzaintzan, hau da, esleipen prezioaren %5a, BEZ kanpo.

Kontratuaren epea amaitzen danean, berme hori esleipendunari ofizioz itzuliko jako, osorik edo, bidezkoa bada, zati batean, baldin eta kontratuko betebeharrak guztiak beterik badagoz.

8. KONTRATUA BURUTZEA

Kontratua Udalaren zuzendaritza, ikuskapen eta kontrolpean burutuko da, eta Udalak idatziz nahiz ahoz erabili ahal izango dauz ahalmen horreek.



Esleipendunari edo honen agindupekoei egotz dakiekeen egite edo ez-egiteren baten ondorioz, Administrazioak uste izaten badau kontratua behar bezala burutzea kolokan dagoala, kontratua behar bezala burutu daiten beharrezkotzat jotzen dauzan neurriak hartu daitezala agindu ahal izango dau.

9. ESLEIPENDUNAREN LAN-EGINKIZUNAK

Esleipendunak lanaren, Gizarte Segurantzaren eta laneko segurtasun eta higienearen arloan indarrean dagozan legezko xedapenak bete behar dauz. Administrazioak ez dau inolako erantzunkizunik izango xedapen horreek betetzen ez badira.

Lanak egiten jardungo dauan enpreseak, hau da, esleipendunak, udalari eta herritarrei jagokenean, aurrez-aurreko harremon, txosten eta azalpen guztiak, ahozkoak zein idatzizkoak, euskeraz burutu beharko dauz. Udalak euskera baino ez dau erabiliko bere harremonetan, idatzizko zein ahozkoetan, eta ez dau inolako itzulpenik eskeiniko.

10. ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADEUTSEZ.

Esleipendunaren ardura da kontratuko eragiketen ondorioz sor litezkeen kalteak eta galerak bere gain hartzea, Sektore Publikoaren Kontratuen 30/2007 Legearen 198. artikuluan xedatutakoarekin bat etorriz.

11. KONTRATUA ALDATZEA

Herri onurako arrazoiak dirala-eta, udalak kontratua aldatu ahal izango dau, behar barriak edo uste gabeko arrazoiak sortzen diranean. Esleipendunak ez dau inolako kalte ordainik jasoteko eskubiderik izango, Sektore Publikoaren Kontratuen 30/2007 Legearen 217. artikuluan ezarritakoaren kalterik gabe.

12. BERME-EPEA

Kontratu mota honen izakera dela eta, ez da berme-eperik jarri behar.

13. ESLEIPENDUNARI EZARRI BEHARREKO ZIGORRAK BALDINTZAK BETETZEN EZ BADAUZ

A) KONTRATUA BURUTZEKO EPEAK DIRELA ETA



Esleipendunaren erruagatik, kontratua burutzeko epe osoa edo epe partzialak igarotakoan kontratua burutu gabe badago, Administrazioak bi aukera izango ditu: kontratua bertan behera utzi eta bermea bereganatzea, edo kontratua burutu arte igarotzen den egun bakoitzeko diru-zigorra ezartzea: egunean 0,20 euro kontratuaren prezioaren 1.000 euroko (196. Artikulua).

Atzerapenagatik zigorren guztizko zenbatekoak kontratuaren prezioaren 100eko 5aren multiploren bat jotzen duen bakoitzean, kontratazio-organoak aukera izango du kontratua bertan behera uzteko edo zigor gehiago ezarri eta burutzapenean aurrera egin dadila erabakitzeko.

B) PRESTAZIOEN BURUTZAPEN PARTZIALA DELA ETA

Esleipendunak, bere erruagatik, kontratuko prestazioen burutzapen partziala epean bukatzen ez badu, Administrazioak bi aukera izango ditu: kontratua bertan behera uztea edo baldintza administratibo berezien orrietan aipatzen diren zigorrak ezartzea (196.7. Art).

14. KONTRATUA AMAITZEKO ARRAZIOAK

Kontratua amaitzeko arrazoiak Sektore Publikoaren Kontratuen 30/2007 Legearen 206 eta 284 artikuluan azaltzen direnak izango dira.

15. ADMINISTRAZIOAREN ESKUBIDEAK

Administrazioari jagoko a) kontratua interpretatzea, b) kontratuan sortu daitekezan zalantzak ebaztea, c) herri-onurako arrazoiengaitik kontratua aldatzea, d) kontratuari amaiera emotea eta amaiera horren ondorioak zehaztea, Sektore Publikoaren Kontratuen 30/2007 Legean ezarritako muga, baldintza eta ondorioei eutsiz.

II.- KONTRATATZEKO JARDUNBIDEA

16. LIZITAZIO IRAGARKIA

158 e) artikuluan aurreikusitako kasu bat danez, lizitazio iragarkia argitaratzeko da Bermeoko Udaleko web orrialdearen kontratugilearen profilan.

17. ESLEIPENA EGITEKO BIDEA ETA MODUA



Kontratu honen esleipena negoziazio bidez egingo da, Sektore Publikoaren Kontratuen 30/2007 Legearen 160, 161 eta 162. artikuluetan bat etorritik, testu horren 158 e) artikuluan jasotako kasua baita.

Edozein alderdi ekonomiko, tekniko edo logistiko negoziatu daiteke parte-hartzaileakaz, kontratuaren gaiari lotuta badago.

Lanak egiten jardungo dauan enpresek, Udalari eta herritarrei jagokenean, aurrez aurreko harremon, txosten eta azalpen guztiak, ahozko zein idatzizkoak, euskeraz burutu beharko dauz. Era berean, Udalak euskera baino ez dau erabiliko bere harremonetan, idatzizko zein ahozkoetan, eta ez dau inolako itzulpenik eskeiniko.

18. KONTRATATZEKO GAITASUNA ETA KAUDIMENA

Zuzenbideko eta jarduteko gaitasuna daukien pertsona fisiko zein juridikoek parte hartu ahal izango dabe kontratazino jardunbide horretan, baldin eta beren kaudimen teknikoa eta ekonomikoa frogatzen badabenez eta kontratatzeke debekuren bat ez badaukie Sektore Publikoaren Kontratuen 30/2007 Legearen 49. artikuluan adierazitako arrazoiak dirala eta. Kaudimena egiaztatzeke eta ebaluatzeke bideak 19. baldintzan ezarritakoak izango dira:

- Azken hiru urtetan lizitatzailak antzeko zerbitzuetan egindako bi lan gitxienez.
- Enpresaren baliabide pertsonalak, proiektuan parte hartuko dabezanak. Derrigorrez da langile bat izatea Bermeoko proiektua aurrera ataratzeko, eta beste langile bat, koordinazio lanak egiteko, udaletxe eta enpresaren artean.
- Kontratua betetzeko baliabide pertsonalaren titulazioak. Gitxienez, L.H.ko goi mailako zikloko titulua euki beharko dau.

Pertsona fisiko edo juridikoek beren kabuz edo baimendutako ordezkarien bitartez kontratatu ahal izango dabe. Ordezkariek kontratatuz gero, berariaz emondako ahalorde askietsia erabili beharko dabe.

Pertsona juridiko baten ordezkari bertako kideren bat azaltzen danean, ordezkari izateko ahalmena daukala frogatu beharko dau agiri bidez. Bi kasuetan ere, kontratatzeke gaitasunik eza dakarten arrazoiak, gorago aipatutakoak, ordezkariari ere aplikatu behar jakoz.

Gainera, lehiatzaileen jarduera nagusiak zerikusi zuzena izan behar dau kontratu honen gaiagaz, eta euren erakundeak kontratua burutzeko behar beste giza baliabide eta baliabide material eduki beharko dauz.

19. PROPOSAMENAK AURKEZTEA



Kontratazio honen baldintza plegu tekniko-administratiboak, honako lekuan, ordutegian eta epean azertu ahal izango dira:

LEKUA: BERH@Z BULEGOA. Ertzilla kalea 6-8 48370 BERMEO
ORDUAK: Astelehenetik barikura 08:30-14:30. Martitzenatan eta eguenatan 16:30 – 19:00. Zapatuetan 10:00 – 13:00.

EPEA: Proposamenak aurkezteko epea bukatu arte.

Parte hartzeko proposamenak aurkeztu ahal izango dira, honako lekuan:

LEKUA: BERH@Z BULEGOA. Ertzilla kalea 6-8 48370 BERMEO
ORDUAK: Astelehenetik barikura 08:30-14:30. Martitzenatan eta eguenatan 16:30 – 19:00. Zapatuetan 10:00 – 13:00.

EPEA: 10 egunetan iragarkia web orrialdean publikatzen denetik.

Lehiatzaileek kartazal bakarria aurkeztu beharko dute itxita (“A” kartazala). “A” kartazalaren azpigitulua hau izango da: “KONTRATATZEKO GAITASUNA ETA KAUDIMENA”. Hona hemen aurkeztu beharreko agiriak:

a) Lehiatzailearen edo haren ordezkariaren nortasun-agiriaren fotokopia, eta horrez gain, beste pertsona edo erakunde baten izenean badihardu, notario-ahalordea.

b) Lehiatzailea persona juridikoa izanez gero:

- Jagokon Erregistro publikoan behar bezala erregistratutako eskritura edo eratze dokumentua, estatutuak edo sortze data eta IFZ kopia.
- Administrazioarekin kontratatu ahal duela egiaztatzen duen eskritura edo ziurtagiria, proposamena sinatzen duenaren alde.
- Arduradunaren NAN.

c) Kontratatzeko debekurik ez duela aitortzea (II Eranskina).

d) Zerga-betebeharrak nahiz Gizarte Segurantzakoak betetzen dituela kreditatzen dituzten ziurtagiriak.

e) Ekonomi Jardueren gaineko Zergan, kontratuaren gaiari dagokion epigrafean hain zuzen ere, alta eman diotela frogatzeko, lehiatzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan baxarik hartu ez izanaren erantzukizunpeko adierazpena erantsiko du.



f) Eskatutako dokumentu eta baliabideen bidez behar bezala egiaztatutako kaudimen tekniko edo profesionala (VI. Eranskina).

g) Eskatutako dokumentu eta baliabideen bidez behar bezala egiaztatutako ekonomia eta finantza-kaudimena (V. Eranskina).

h) Proposamen horretan, Gazte Ekimenak Sustatzeko zerbitzuaren proiektua azalduko da:

- Xedea
- Helburu orokorrak
- Hartzaileak
- Metodologia
- Giza-baliabideak
- Kokapena eta ordutegiak

*Eusko Jaurlaritzako Kontratisten Erregistro Ofizialean edota Bizkaiko Foru Aldundiaren Lizitazioaren Erregistroan izena eman badago, a), b), c), d) eta e) dokumentazioaren ordeztu beharko da:

- Eusko Jaurlaritzako Kontratisten Erregistroan izena emanda dagoen indarreko egiaztagiria.
- Egiaztagirian jasotako datuak eta egoerak baliozkoak diren eta indarrean dauden zinpeko aitortpena (IV. Eranskina).

Jatorrizko agiriak edo kopiak aurkez daitezke. Kopiak aurkeztekotan, behin-betiko esleipena egin ordutako, Administrazioak edo notarioak behar bezala kautotu edo egiaztatu behar ditu.

Lizitazio baldintzak betetzen dituzten enpresei proposamena aurkezteko gonbitea bialduko zaie. Proposamen hori aurkezteko epea 15 egunekoa izango da, gonbitea bidaltzen denetik zenbatzen hasita.

Proposamena, "B" kartazalean sartuko da. Kartazal horren titulua hau izango da : "PROPOSAMENA". Hona hemen "B" kartazalean aurkeztu beharreko agiriak:

a) Proposamen bakarra, eskaintzaileak edo aurkezten duen pertsonak sinatuta, administrazio-klausula partikularren Pleguaren I Eranskin gisa agertzen den ereduaren arabera idatzita.

b) Ez dira onartuko proposamen hauek:

- Kontraesanak, ez aipatzeak, akatsak edo zirriborroak dituztenak, Administrazioak eskaintza aintzat hartzeko funtsezkotzat jotzen duena argi ikustea eragozten badute.



- Aztertutako eta onartutako dokumentazioarekin bat ez datozenak.
 - Eskaintzaren aurrekontua edo gehienezko tasa gainditzen dutenak.
 - Proposamenaren zenbatekoan akats argia dutenak.
 - Pleguaren I. Eranskin gisa ezarritako proposamen eredu nabarmen aldatzen dutenak.
 - Eskaintzailearentzat bideraezin egiten duten akatsak edo funtsik ez dituztenak.
- c) Letretan adierazitako eskaintza zenbakietan adierazitakoarekin bat ez badator, letretan adierazitako kopurua nagusituko da; dokumentazioa aztertu eta gero, arrazoizko irizpideak erabiliz, Kontratazio Mahaiak beste jarrera bat hartzen ez badu salbu.
- d) Eskaintza bakoitzak proposamen bakarra aurkeztu ahal izango du. Pleguan baimena ematen bada bakarrik, soluzio aldakorak izan ahalko ditu; hortaz, eskaintza ekonomikoak ere ezberdinak izan ahalko dira.

20. ESLEIPENA, FORMALIZAZIOA ETA GASTUAK

Behin-behineko esleipena gehienez hilabeteko epean egingo da, proposamenak aurkezteko azken egunetik zenbatzen hasita, proposamenak ireki eta biharamunetik kontatzen hasita. Behin-behineko erabakia lizitatzaillei jakinaraziko jake. Horrez gain, web orrialdean publikatuko da.

Behin-behineko esleipenaren erabakiaren jakinarazpena jaso eta biharamunetik zenbatzen hasita 15 egun balioduneko epean, behin-behineko esleipenerako proposatuta dagoen lehiatzaileak honako hauek egin beharko dauz:

- a) Behin betiko bermea jarri.
- b) Jendaurreko zabalkunde ofizialean gastuak egin badira, aldizkari ofizial eta argitaraldi bakar bateko gastuak ordaindu.
- c) Dokumentazio orokorraren artean, agiriren bat aurkeztu ez bada, hori aurkeztu.
- d) Aurreko epea igarota, behin-betiko esleipena egingo da, hori web orrialdean publikatuko dalarik.

Azkenik, administrazio honen bulegoetara etorri, kontratua administrazio-agiri gisa formalizatzeko. Kontratua 10 egun balioduneko epean formalizatuko da, behin-betiko esleipena jakinarazten dan eguneko biharamunetik zenbatzen hasita.

Kontratuaren behin betiko esleipena behin-behineko esleipendunari egitea ez danean bidezkoa, ez dauzelako horretarako beharrezko baldintzak betetzen, beste



lehiaketa bat egin aurretik, administrazioak, behin-behineko beste esleipen bat egin ahal izango dau hurrengo lehiatzailearen edo lehiatzaileen alde, eskaintzak sailkatuta geratu diran hurrenkeraren arabera, betiere hori posible bada eta esleipendun berriak adostasuna agertu badau. Kasu horretan, esleipendun horri hamar laneguneko epea emongo jako aurreko ataleko bigarren paragrafoan adierazitakoa bete daian.

Prozedura hori erabili ahal izango da erregulazio harmonizatuari lotuta ez dagozan kontratuen kasuan ere, hasitako kontratu bat betetzen jarraitzea bada kontua eta kontratu hori ebatzitzat adierazia izan bada.

Kontratazio-organoak egingo dauen esleipenaren bitartez, kontratuak indar juridikoa hartuko dau.

Esleipendunaren erruagatik kontratua formalizatu gabe geratzen bada, Administrazioak bertan behera utzi ahal izango dau kontratua, interesduna entzun eta gero, eta kalte-galerak ordainduko dira.

21. KONTRATUA FORMALIZATZEARI ADMINISTRAZIOAK UKO EGITEA

Kontratazio organoak uko egiten badeutso deialdia egin ostean kontratu bat egiteari, edo esleipenerako prozedura barriz hastea erabakitzen badau, hautagaiei edo lehiatzaileei jakinaraziko jake, eta Europako Batzordeari ere jakinaraziko deutso erabaki hori kontratua Europar Batasuneko Egunkari Ofizialean argitaratu bada.

Kontratua egiteari uko egitea edo prozedura bertan behera uztea kontratazio organoak baino ezin dezake erabaki, behin-behineko esleipenaren aurretik. Kasu bietan hautagaiei edo lehiatzaileei izan dabezan gastuak konpentsatuko jakez, iragarkian edo baldintza-agirian jasotako moduan, edo Administrazioaren erantzukizuna arautzen daben printzipio orokorren arabera.

Espedientean behar bezala justifikatutako interes publikoko arrazoiengatik baino ezin izango jako uko egin kontratu bat egiteari. Kasu horretan, ezin izango da xede berarekin beste lehiaketarik sustatu uko egite horren oinarria izan diran arrazoiak bere horretan dirauten bitartean.

Prozeduraren uko egitearen oinarria kontratua prestatzeko arauetan edo esleipen prozedura arautzekoetan konpon ezin litekeen arau-haustea izan beharko da, eta arrazoi hori dagoela justifikatu beharko da espedientean. Uko egiteak ez dau eragotziko beste lehiaketa prozedura bat hastea berehala.

III.- IZAEREA, ERREGIMEN JURIDIKOA ETA JURISDIKZINO ESKUDUNA

22. IZAEREA ETA ERREGIMEN JURIDIKOA



Baldintza-agiri honen arabera egin behar den kontratua administrazio-mailakoa izango da, eta kontratuan bertan zehazten ez dan guztiari jagokonez, bereziki Sektore Publikoaren Kontratuen 30/2007 Legean ezarritako arauak bete beharko dira.

Administrazio-baldintza zehatzen agiri honen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

23. KONTRATAZIO ARLOKO ERREKURTSO BEREZIA

30/2007 Legearen 37. Artikuluko 2. atalean aipatzen diran erabakiak, harmonizatutako erregulazioaren mende dauden kontratuen esleipen prozeduretan hartzeko, subentzionatutako kontratuak, II. Eranskineko 17.etik 27. kategoriara arte sailkatuta dagozan eta 206.000 euroko edo gehiagokoak diran zerbitzu kontratuak, eta hastapen-gastuen aurrekontua 500.000 eurokoa eta iraupen epea bost urte baino gehiagokoa duten zerbitzu publikoen kudeaketa kontratuak barne, administrazioarekiko auzi-errekurtsoa jarri baino lehen, artikuluko honetan arautzen dan kontratazio arloko errekurtsu bereziaren mende egongo dira. 97. artikuluan arautzen dan larrialdiko tramite bidezko esleipen prozeduretan ebatzitako ekintzetan ez da errekurtsu hau emongo.

Errekurtsu bereziaren mende egon ahal izango dira behin-behineko esleipen akordioak, lehiaketa arautzen daben baldintza agiriak eta prestazioaren ezaugarriak ezartzen dabezanak, eta aurreko prozeduran hartutako tramite ekintzak, betiere azken horreek esleipenean zuzenean edo zeharka erabakitzen badabe, prozedura jarraitzea eragozten badabe edo defentsarik eza edo bidezko eskubideren edo interesen baten konpondu ezinezko galera eragiten badabe.

Aurreko paragrafoan aurreikusitakoez aparte beste ekintza batzuei eragiten deuten tramitazio akatsak espedientearen egitea jagokon organoari edo kontratazio organoari jakinarazi ahal izango deutse interesdunek, zuzen daien, eta behin-behineko esleipen ekitaldia errekurritzerakoan interesdunek eragiten dieten irregulartasunak alegatu ahal izatearen kalterik gabe.

Errekurtsoa beren bidezko eskubideetan edo interesetan kalteak jasan dabezan pertsona fisikoek eta juridikoek aurkeztu ahal izango dabe, edo errekurtsuaren xedea diran erabakiengatik kaltetuak izan daitezkeenek eta, edozein kasutan, lehiatzaileek.

Autonomia erkidego bakoitzeko arauak ezartzen dabenaren kalterik gabe (eta edozein kasutan, administrazio bidea agortzen duten erabakiak emongo dauzan organo batek izan beharko dau eskumen hori), errekurtsu berezia ebatzeko eskumendunak izango dira: kontratazio organoa administrazio publiko baten kontratuak badira, edo erakunde kontratatzailea atxikita dagoen saileko, organoko, erakundeko edo organismo burua edo haren zaintza daukana, horrek ez badauka



administrazio publiko izaerarik. Azkeneko kasu horretan, erakunde kontratatzailea administrazio bategaz baino gehiagogaz lotuta dagoenean, kontrol edo partaidetza nagusia daukanari jagokon organoa izango da eskumenduna.

Kontratu subentzionatuei jagokenez, eskumena izango dau subentzioa emon dauen saileko, organoko, erakundeko edo organismoko titularrak, edo subentzioa emon dauen erakundea atxikita dagoenekoak, horrek ez badauka administrazio publiko izaerarik. Sektore publikoko subjektu desbardineta subentzioak dagozan kasuetan, zenbateko handieneko subentzioa kontuan hartuta zehaztuko da eskumena eta, zenbateko berdinetan, lehenengo emon dana kontuan hartuta.

Kontrako berariazko zehaztapenetan izan ezik, kontratazio arloko errekurtsio berezia ebazteko eskumena kontratatze eskumenagaz batera emon dala ulertuko da. Hala ere, kalteen ondoriozko kalte-ordainak ezartzeko ahalmena ezin izango da eskuordetu, eta horren gainean, edozein kasutan, organo eskuordetzaileak ebatzi beharko dau. Eragin horreetako, kalte-ordain bat onartzea bidezkotzat joz gero, espedientea organo eskuordetzaileari igorriko jako, eta berak, aurretiaz eta berariaz eskumenak bereganatu beharrik gabe, jagokon errekurtsioaren gainean ebatziko dau.

Kontratazio arloan errekurtsio berezia ezartzeko epea hamar lanegunekoa izango da, aurkaratutako ekintza jakinarazten edo argitaratzen den egunaren hurrengotik aurrera zenbatuta. Errekurritutako ekintza kontratuaren behin-behineko esleipena bada, epea zenbatuko da ekintza hori egunkari ofizial baten edo kontratazio organoaren kontratatzailearen eskakizunetan argitaratzen dan egunaren biharamunetik aurrera, 135.4 artikuluan adierazitakoaren arabera.

Errekurtsio idazkia kontratazio organoaren erregistroan aurkeztu beharko da, edo errekurtsioaren gainean ebazteko eskumena daukan organoaren erregistroan. Idatzi horretako akatsak, hala bajagoko, hiru laneguneko epean zuzendu beharko dira.

Kontratuaren esleipen prozedura 96. artikuluan aurreikusitako premiazko bidetik tramititzen bada, errekurtsioa aurkezteko epea zazpi lanegunekoa izango da, eta akatsak konpontzekoa bi lanegunekoa.

Errekurritutako ekintza behin-behineko esleipena bada, kontratazio espedientearen tramitazioa bertan behera geratuko da errekurtsioa berariaz ebazten den arte, eta, beraz, ezin izango da behin betiko esleipenik egin ez kontratua egin. Hala ere, errekurtsioa enpresaburu batzuek, kopuru mugarik gabe, parte hartu daikezan esparru akordio baten behin-behineko esleipen ekintza baten kontra ezarri bada, ebazpena emoteko eskumena daukan organoak bertan behera geratzea altxatu ahal izango dau errekurtsioa aurkeztu danetik bost lanegun igaro eta gero.

Errekurtsio bat aurkezten bada, horren barri emongo jake gainerako interesdunei, eta bost laneguneko epea emongo jake alegazioak aurkezteko. Era berean, espedientea tramitatu dauen erakunde, organo edo zerbitzuari espedientea



eskatuko jako, eta hurrengo bi lanegunen barruan igorri beharko dau jagokon txosten eta guzti. Lehiatzaileak, edozein kasutan, interesdunak izango dira errekurtsoen prozeduran.

Interesdunen alegazioak jaso ostean, edo alegazioak aurkezteko epea igaro ostean, eskumendun organoak hurrengo bost lanegunen barruan emon beharko dau errekurtsoren gaineko ebazpena, eta ebazpenaren barri interesdun guztiei emon beharko deutse. Edozein kasutan, errekurtsoa jarri zanetik hogeit hamar lanegun igaro badira eta ez bada ebazpenaren barri emon, interesdunak ez onartuzat jo ahal izango dau administrazioarekiko auzi-errekurtsoa aurkezteko eraginetarako, berariazko ebazpena emoten betebeharraren kalterik gabe eta, hala bajagoko, berariazko ebazpena ematen dan bitartean, 7. atalean ezarritako bertan behera geratzea altxatu gabe.

Errekurtsoren ebazpenak errekurtsoa edo haren parte bat baietsiko dauz, edo formulatutako asmoak ezetsiko dauz, edo ez onartuzat adieraziko dauz, eta arrazoituta erabakiko dauz aurkeztutako kontu guztiak. Edozein kasutan, ebazpena bat etorriko da eskabideagaz eta, onartuz gero, esleipen prozeduran hartutako legez kanpoko erabakien deuseztapenaren gainean ebatziko dau, lehiaketa iragarkian, gonbit iragarkian, baldintza-agirietan, kontratua edo lehiaketagaz edo esleipenagaz zerikusia daukan beste edozein dokumentu arautzeko baldintzetan jasotako ezaugarri tekniko, ekonomiko edo finantzario baztertzailak ezabatzea barne hartuta, baita ekintzen atzeraeraginaren gainean edo prozedurako arau-haustearen ondorioz kalteak jaso dabezan pertsonei kalte-ordaina ematearen gainean ere.

Errekurtsoren ebazpenean erabakiko balitz kontratua beste lehiatzaile bati esleitzea, azkeneko horri hamar laneguneko epea emango jako 135.4 artikuluko bigarren paragrafoan jasotakoa betetzeko.

Errekurtsoren ebazpenaren aurka administrazioarekiko auzi-errekurtsoa baino ezin izango da aurkeztu, Administrazioarekiko Auzietarako Eskumenei buruzko uztailaren 13ko 29/1998 Legean ezarritakoaren arabera.

24. JURISDIKZIO ESKUDUNA

Kontratutik sortzen diran auziak Administrazioarekiko auzien jurisdikzioaren menpe egongo dira. Nolanahi ere, bi alderdiek nahi izanez gero, auziak arbitrajearen bidez konpondu daitezke, indarrean dagoen legerian zehaztutakoagaz bat etorritz.

Bermeon, 2008ko azaroaren 10ean

